

Më
Dana

28-06-2018

NË EMËR TË POPULLIT

GJYKATA THEMELORE FERIZAJ, Departamenti i Përgjithshëm – Divizioni

Penal, si gjykatë e shkallës së parë penale, me gjyqtaren Hysnije Gashi si dhe procesmbajtësen Albana Ujupi, zyrtare ligjore, në çështjen penale kundër të pandehurit, [REDAKTUAR] nga Fshati [REDAKTUAR] Komuna Ferizaj, për shkak se ka kryer veprën penale posedimi i paautorizuar i narkotikëve, substancave psikotrope ose analoge nga neni 275 par.1 të KPRK-së, sipas Aktakuzës: PP/II.nr.135/2017 dt.30.10.2017, të Prokurorisë Themelore në Ferizaj-Departamenti i Përgjithshëm, pas përfundimit të shqyrtimit gjyqësor publik të mbajtur me datë 26.03.2018, në praninë e Prokurorit të Shtetit Avdullah Abedini, si dhe të pandehurit [REDAKTUAR], më datë 26.03.2018 mori dhe publikisht shpalli aktgjykimin, ndërsa me datë 03.05.2018 përpiloi këtë:

AKT GJYKIM

I pandehuri: [REDAKTUAR] i lindur me [REDAKTUAR], nga i ati [REDAKTUAR] dhe nëna [REDAKTUAR] e gjinisë [REDAKTUAR], i papunë, i gjendjes së dobët ekonomike, Shqiptar, Shtetas i Republikës së Kosovës.

ËSHTË FAJTOR

SEPSE:

Me datën 18.08.2017 rreth orës 15:25 në oborrin e shkollës “Gjon Serreqi”, në Ferizaj, nga Patrulla e Stacionit Policor të Ferizajit te i pandehuri [REDAKTUAR] është gjetur dhe konfiskuar një qese me substancë narkotike të llojit marihuanë me peshë 26.55 gram, të cilën substancë i pandehuri e ka poseduar në mënyrë të paautorizuar.

me këtë ka kryer veprën penale posedimi i paautorizuar i narkotikëve, substancave psikotrope ose analoge nga neni 275 par. 1 të KPRK-së.

Prandaj, gjykata në bazë të neneve 3,4,7,8,17,41,42,49,50,51,52,73 të KPRK-së, si dhe në bazë të neneve 365 të KPPRK-së, e

G J Y K O N

Të pandehurin [REDAKTUAR], e dënon me **DENIM BURGIMI** në kohëzgjatje prej **3 (tre) muaj**, i cili dënim nuk do të ekzekutohet në afatin prej **1 (një) viti**, në qoftë se i pandehuri gjatë kësaj kohe nuk do të kryej vepër të re penal dhe

DENIM ME GJOBE në shumën e përgjithshme prej 200 €, të cilën gjobe është i obliguar ta paguaj brenda 30 ditëve pas plotfuqishmërisë së këtij aktgjykimi.

Nëse dënimi me gjobë nuk mund të ekzekutohet as në mënyra të tjera të parapara me nenin 46 par. 3 të KPRK-së, do të ekzekutohet në atë mënyrë që i akuzuari për çdo 20€, do të vuaj një ditë burgimi.

Obligohen i akuzuari që në emër të shpenzimeve të procedurës penale të paguajnë shumën prej 20 Euro /njëzet euro / në afatin prej 15 ditëve pasi që aktgjykimi të marr formën e prerë nën kërcënimin e ekzekutimit me dhunë.

Detyrohen i akuzuari që për kompensimin e Viktimave të Krimit, të paguajnë shumën prej 30 Euro /tridhjetë/, brenda afatit prej 15 ditësh nga dita e plotfuqishmërisë së këtij aktgjykimi.

A r s y e t i m i

Gjykata pasi studioi materialet e çështjes penale të paraqitur për gjykim, çmoi se çështja është në juridiksionin e saj dhe gjykimi i kësaj çështje penale duhet të realizohet përpara kësaj gjykate. Po kështu është në kompetencën lëndore dhe territoriale të kësaj gjykate, pasi vepra penale për të cilën është proceduar të pandehurve gjykohet nga gjyqtari individual.

PTH në Ferizaj me aktakuzën PP/II.nr.135/2017 dt.30.10.2017 ka ngarkuar të akuzuarin [REDAKTUAR] për veprën penale posedimi i paautorizuar i narkotikëve substancave psikotrope ose analoge nga neni 275 par.1 të KPRK-së, duke propozuar që të pandehurit të shpallen fajtor dhe t'iu shqiptohet sanksion penal i paraparë me ligj.

Gjykata duke vepruar sipas kësaj akuze caktoi dhe mbajti seancën e shqyrtimit fillestar me datë 26.03.2018 në të cilën shqyrtim gjyqësor: *të akuzuarit e pranojn fajësinë për veprën penale me të cilën i ngarkon aktakuzat për të gjitha pikat e saj, dhe se janë të vetëdijshëm për pranimin e fajësisë dhe pasojat që mund të vijnë nga ky pranim, jam penduar thellë, e kam përdorur por tash nuk e konsumoj, dhe në bazë të gjithë këtyre të gjeturave i propozojn gjykatës që ti ketë parasysh dhe të i'u shqipton një dënim më të butë..*

Prokurori i Shtetit Avdullah Abedini duke shprehur mendimin e tij përkitazi me pranimin e fajësisë, ka vlerësuar se ekziston baza për pranimin e fajësisë së të pandehurit , duke i propozuar Gjykatës që të akuzuarin ta shpall fajtor dhe të i shqipton dënimin e merituar.

Me që i pandehuri e ka pranuar fajësinë gjyqtari i vetëm gjykues ka konstatuar se janë plotësuar të gjitha kërkesat e përcaktuara me dispozitën e nenit 248 par.1 të KPPK-së: I pandehurit e ka kuptuar natyrën dhe pasojat e pranimin të fajit, pranimi është bërë vullnetarisht nga i pandehurit, pranimi i fajit mbështetet në faktet e çështjes që përmban aktakuzat, në materialet e prezantuara nga prokurori i shtetit, dhe ne provat tjera të cilat gjinden në shkresën e lëndës: vërtetimi mbi sekuestrimin provës materiale të datës 18.08.2017, raportet e oficerëve, dhe fotografitë që gjinden në shkresat e lëndës.

Me qenë se i akuzuari ka pranuar fajësinë e cila është në përputhje me kriteret e përshkruara më lartë, andaj gjyqtari individual konform nenit 248 paragrafit 4 të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit, *(nëse i pandehuri në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësor, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt.19.03.2013).*

Gjykata pas administrimit të provave në shqyrtim gjyqësor publik dhe vlerësimit të tyre një nga një dhe në lidhje me provat e tjera, ku në bazë të vlerësimit të tillë vërtetoi këtë gjendje të fakteve si në vijim: Me datën 18.08.2017 rreth orës 15:25 në oborrin e shkollës "Gjon Serreqi", në Ferizaj, nga Patrulla e Stacionit Policor të Ferizajit të i pandehuri [REDAKTUAR] është gjetur dhe konfiskuar një qese me substancë narkotike të llojit marihuanë me peshë 26.55 gram, të cilën substancë i pandehuri e ka poseduar në mënyrë të paautorizuar.

Vlerësuar nga aspekti juridik gjykata gjeti se në veprimet e të pandehurit ekzistojnë të gjitha tiparet objektive dhe subjektive të veprës penale posedimi i paautorizuar i narkotikëve, substancave psikotrope ose analoge nga neni 275 par.1 të KPRK-së.

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73 dhe 74 të KPRK-së, dhe gjeti si rrethanë lehtësuese se në shqyrtimin fillestar kanë pranuar fajësinë, duke e shprehur pendimin e sinqertë dhe real për veprën penale të kryer, janë të gjendjes së mesme ekonomike, ka qenë hera e parë që kanë ra ndesh me ligjin, ndërsa në mungesë të rrethanave veçanërisht rënduese, gjykata vlerësoi shkallen e përgjegjësisë penale të të pandehurve dhe rrezikshmërinë konkrete të veprës penale, andaj duke marrë parasysh tërësinë e këtyre rrethanave, të pandehurve i'u shqiptoi dënim si në dispozitiv të këtij aktgjykimi, me bindjen se në rastin konkret do të arrihet qëllimi i dënimit të preventives speciale dhe asaj gjenerale, ku një dënim i tillë është adekuat dhe në proporcion të drejtë në raport me peshën e veprës penale, rrethanave të kryerjes së veprës penale, shkallen e përgjegjësisë penale dhe personalitetin e të pandehurit.

Vendimi mbi shpenzimet paushalle është marr në kuptim të dispozitës së nenit 450 par. 1 dhe 2 pika 2.6 lidhur me nenin 453 par. 1 të KPPRK-së.

Vendimi për kompensimin e viktimave të krimit është marrë konform nenit 39 par 3 pika 3.1, Nr. 05/L-036 të ligjit për kompensimin e Viktimave të Krimit.

Në bazë të së theksuarës më lartë u vendos si në dispozitivit të këtij aktgjykimi

GJYKATA THEMELORE NË FERIZAJ
Departamenti Përgjithshëm-Divizioni Penal,
P.nr.2703/17 datë 03.05.2018.

Zyrtare ligjore,

Albana Ujupi

Gjyqtari:

Hysnije Gashi

KËSHILLA JURIDIKE: Kundër këtij aktgjykimi mund të ushtrohet ankësë në afat prej 15 ditëve, pas pranimi të kopjes me shkrim të kopjes me shkrim të këtij aktgjykimi, Gjykatës së Apelit në Prishtinë. Ankesa i dorëzohet Gjykatës Themelore në Ferizaj.